

Haenqrengz Cauxlaeb Huzndei Hagdangz Lajmbanj

构建和谐乡村学校

——Geiq Lingzsw Siujyoz Guh Cuengh Gun Song Saw Vah Sonhag

□ bonjbauq gicej Vangz Sinhyuonz



▲ Veiz Suhgenh yaucangj guhdaez hwnj dangzgoq yenzgiu Cuengh Gun sonhag.

Gveigangj Si Mungzgunh Yangh Lingzsw Siujyoz 1987 nienz dangguh buek daihngaih Sawucnengh haeuj hagdangz sawqniemh hagdangz, ngeihcib lai bi daeuj baenzbaenz aeu "cibroek cih" fuengcim sonhag ma sonyinx, itcig ciuq gij lohnaemj guhhong "hong bingzciengz miz cauhmoq, hong youqgaenj miz baujingq, hong hoj guh guh ndaej bae, hong gaznaek miz gaijcaenh, cienzmienh saedguh suciz gyauyuz" miz gonq miz laeng bae guh, onjdw bae guh gij yaubonj gyauyenz "goqcingz moq, leixniemh moq, lohnaemj moq, banjdaez moq" neix, doxgiat caezsim, haenqrengz cauxlaeb huzndei hagdangz, hong sonhag guh ndaej maenhndei, cingzciak yienhda. 1992 nienz aeundaej ndaw si "aen danhvei senhcin hong doigvangq Sawcuengh", 1993 nienz aeundaej swcigih "daengx gih hong Sawcuengh haeuj hagdangz senhcin danhvei" daengj haujlai mingzdaez najrongh neix nem haujlai gih, yangh gaep gyauyuz sonhag cizlieng cwngzgoj ciengj dem.

Lingzsw Siujyoz yaucangj Veiz Suhgenh gaisau naeuz gicej nyi, aen hagdangz neix haujlai bi daeuj guh ndei hong guenjieix, mboujduenh daezsang Cuengh Gun song saw vah sonhag cizlieng. Hagdangz moix aen haggeiz codauez, ciuq hagdangz saedcaeq bae guh, boux lingjdauj hagdangz faenguenj hong Cuengh Gun song saw vah sonhag de cungj dingh ndei giva hong sonhag, caemhcaiq mizyauq dwk bae cujciiz moix boux lauxsae cungj ciuq giva ciuq mizgven byauhcinj bae mu sawson, saeqnaeh bwh ndei moix dangz goq; doengzseiz lauxlaux saedsaed bae saedguh; cemhcaiq sonyinx lauxsae lai yawj lai hag, romcomz gingniemh, dawz gij

sonhag fuengfap ceiq moq ceiq yinx ndaej hagseng haenx coq haeuj ndaw sonhag hozdung bae. Doengzseiz ciuq 《Byauhcinj Goq Sawcuengh》 iugouz bae guh, hwnj caez hwnj gaeuq goqcingz Sawcuengh, dabdaengz moix aen singhiz nienzgaep daemq 4 aen goqseiz, nienzgaep gyang aen 3 goqseiz, nienzgaep sang aen 2 goqseiz, moix boux lauxsae youq haihag codauez couh daj moix aen danhyenz ndawde senj ok bien govwnz ndeu guh dangzgoq Cuengh Gun caemhcaez hwnjdangz de, yienzhaeuh nyinhcaen sij Cuengh Gun gyaun, cij bae hwnjdangz, hawj hagseng "Cuengh Gun cungj rox". Lai bi daeuj, lauxsae aen hag neix miz 50 lai bien lunvwnz aeundaej guekgia, swcigih, sih, gih(yienh) daengj gak gaep ciengjli, lauxsae camgya swcigih, si, gih(yienh), yangh lauxsae gwnzdangz sonhag doxdax caemh aeundaej cingzciak haemq ndei, lauxsae miz 30 vunz(baez) faenbied ndaej guekgia, swcigih, si, gih(yienh) daengj ciengjli; Veiz Libingz, Luz Dunghginz, Luz Siujmeiz sam boux lauxsae neix lij ndaej lied haeuj ndaw Guengjsae Cuengh Gun song saw vah lauxsae mizmingz bae.

Lingzsw Siujyoz youq hong sonhag ndawde, yawjnaek lox hagseng yinx hagsib, gaenx doengh uk, doxbang doxhag, doengzcaez cinbu. Hagdangz moix aen haggeiz cungj guh gak cungj gak yiengh song saw vah doxdax hozdung, lumjbaenz banh banyibei yaem Vahcuengh gyoepdoeg doxdax, it ngeih nienzgaep Sawcuengh langhdoeg doxdax, sam daengz roek nienzgaep cozvwnz Sawcuengh doq okdaez doq sij doxdax, daengx hagdangz gangj goj Vahcuengh doxdax daengj, youq ndaw doxdax guh yienhciegz bingzfaen,



▲ Gyoengq lauxsae comz youq ndaw gyauyenzsiz doxyaeng hong sonhag.

hawj hagseng roxnyinh mizyinx raixcaix, gak cungj hozdung cungj guh ndaej hoengghwd caemhcaiq aeundaej yaugoj maenhndei. Moix aen haggeiz geizsat genjcwz seiz, gij cingzciak goh Sawcuengh gyoengq hagseng cungj dwg baiz youq baihnaj daengx aen Cindzangz Gih, hagseng youq camgya gak cungj yozgoh doxdax ndawde gonqlaeng miz 200 vunz(baez) doxhwnj ndaej ciengj. Ngeihcib lai bi daeuj, buek dem buek hagseng daj aen hag neix bizyezokbae haenx doeklaeng baenz le da cunghconh bizyezswng, ndawde dan Sawcuengh cunghconhswng couh miz 29 vunz, seizneix gyoengqde dingzlai cungj camgya haeuj ndaw hong gyauyuz sonhag daeuj, baenz boux lauxsae miznaj ndeu.

Lingzsw Siujyoz youq Cuengh Gun song saw vah gyauyuz sonhag ndawde dingj gvaq haemzhoj, gaenxgoemx bae guh, bibi aeundaej cingjciak ndei. Seizneix, aen hag neix lij laebdaeb guh ndei Cuengh Gun song saw vah sonhag caeuq goqcingz gaijgwz sawqniemh, dingh ndei hagdangz fazcanj gveihva, laemxsim bae guh yinzcaiz suciz caeuq gohyoz cingsaenz beizyangj, ceng' aeu hawj hagseng ndaej cienzmienh fazcanj, doidoengh hong Cuengh Gun song saw vah sonhag caiq hwnj mbaek lae moq.



▲ Hagdangz ciuq giva banh ndei gak cungj diyyuz hozdung. Ndaw doz dwg hagseng cing doxdax bengcag.



▲ Luz Dunghginz lauxsae hwnj dangz goq goenghai son Sawcuengh.



▲ Veiz Libingz lauxsae camgya ndaw si cungh siujyoz lauxsae mizmingz gwnzdangz sonhag doxdax.



▲ Hagdangz lingjdauj ciengzseiz caeu seizgan bae gwnzdangz dingq goq, doxyau gingniemh sonhag.



▲ Hagseng nyinhcaen dapsij mbawgienj gaujsi geizsat.



▲ Hagseng camgya gangj goj Vahcuengh doxdax ndaej ciengj le hab'ingj.